

Valzer par Varès

*Ul Signùur l'eva bun,
ul Signùur l'eva in bona;
l'ha pensà: "Fo un belée"
e Varès e Varès l'eva in pè.*

Ul munt Rosa l'è rosa al matin,
quand ul su 'l bòfa cuntra ul sò fiàa,
quand i niul fann n'inchin al seren,
saltà föra dul lètt a l'è 'l mèn.

La Madona dul Munt l'è 'n diamant,
la lüsenta me l'or d'un tesor,
rampegà la rizzàva e i capèll
var püssèe che la fama e i giuièll.

Ul regiù di nost ter, Camp di Fiùur,
al sa fa carezà da l'arièta
pö, cuntent da vess lì, diss: "Mò spècia"
e regala ai nost gent piant e fiùur.

Ul Signùur....

La basilica e 'l gran campanil,
la piazzeta e 'l so Garibaldin,
sòta i pòrtigh, da sira, d'estàa,
vegn da dì: "Var la pena campà".

I giardin dul Palaz dul Cumün
paran fai par sugnà 'l paradis,
cunt l'erbèta taiàva basèta,
'na funtana, 'n amùur ch'al ma spècia.

Giò in la bàsa ghe'l làagh, la pianüra,
tanti làagh, tanti vall, verd e ciel,
tanta vöia da fa e da disfà,
pö la gent da Varès tùrna a cà.

Ul Signùur....

Ma Varès a l'è 'l tràfich che spüza,
in i cà vegnì sü tant in svèlta,
pü nissün sa 'l dialètt di nost vecc,
vurèss ben l'è 'n da pü: prèssa e frécc.

Ul Signùur guarda giò, e sal diis?
G'ha pazienza, perdona, capiss;
l'è sigür: "Mj gho dai 'n gran Varès,
un zichin l'han trasà, ma rincréss,

ma che l'altar tuchèll resta bèll,
chesta chi l'è la vùus ca cumànda,
porta föra da cà, la ta incanta,
la ta invida a cantà 'l riturnèll".

Ul Signùur...